



EDITOR, MEJA BERITA

UNTUK SIARAN SEGERA

KENYATAAN MEDIA

KUALA LUMPUR (16 JUN 2023) – Suruhanjaya Hak Asasi Manusia Malaysia (SUHAKAM) komited untuk memberikan maklumat yang tepat dan menjelaskan pendirian berhubung penarikan balik saman fitnah yang difailkan Pengerusi SUHAKAM terhadap pegawai kanan Suruhanjaya baru-baru ini. SUHAKAM mengiktiraf kepentingan menangani perkara itu dengan segera dan menjunjung integriti dalam institusi.

Sebagai maklum balas kepada dakwaan yang didedahkan melalui media, yang telah menyatakan tentang penarikan saman fitnah peribadi oleh Pengerusi terhadap pegawai kanan itu. Keputusan untuk menarik balik saman itu dibuat bagi membolehkan siasatan dalaman yang bebas dan saksama terhadap dakwaan tersebut. SUHAKAM mengakui keperluan untuk mewujudkan persekitaran yang selamat, bebas untuk mengemukakan sebarang aduan dan bebas daripada rasa takut dan berdendam.

Walaupun SUHAKAM mengakui kuasa terhadapnya dalam menyiasat aduan terhadap Pesuruhjaya sendiri, Suruhanjaya tetap komited untuk menangani semua aduan dan dakwaan dengan serius, tidak kira sama ada ia melibatkan anggota Suruhanjaya atau kakitangan SUHAKAM. Dalam kes ini, siasatan dalaman akan dijalankan oleh badan bebas, bagi memastikan proses yang teliti, saksama dan adil bersandar kepada amalan terbaik.

SUHAKAM mengulangi komitmennya yang tidak berbelah bahagi untuk melindungi hak asasi manusia, memerangi diskriminasi, dan menggalakkan inklusif dan kesaksamaan. Suruhanjaya akan meneruskan usaha gigih untuk mempertahankan peranannya sebagai pihak berkuasa yang dipercayai dan tidak berat sebelah dalam perlindungan dan kemajuan hak asasi manusia di Malaysia.

-TAMAT-

**Suruhanjaya Hak Asasi Manusia Malaysia (SUHAKAM)
16 JUN 2023**